

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 30 OKTOBER 2014, PUKUL 10.00 PAGI

Bil. 40

PERTANYAAN-PERTANYAAN BAGI JAWAB LISAN

1. PR-1323-L63591
Datuk Linda Tsen Thau Lin [Batu Sapi] minta **PERDANA MENTERI** menyatakan impak perintah berkurang di Kawasan Keselamatan Khas Pantai Timur Sabah (ESSCOM) yang dilaksanakan sejak bulan Julai 2014, ke atas ekonomi di Pantai Timur Sabah terutamanya sektor pelancongan dan perikanan.
2. PR-1323-L64274
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah kerajaan untuk menambah baik Akta Kesatuan Sekerja yang perlu dikaji kelemahannya.
3. PR-1323-L64230
Tuan Haji Ahmad Lai bin Bujang [Sibuti] minta **PERDANA MENTERI** menyatakan apakah langkah intervensi yang diambil kerajaan untuk mengurangkan serangan berbaur perkauman dan memperlekeh agama di laman media sosial seperti Facebook yang semakin serius di mana sejak berapa bulan ini sahaja banyak serangan mengguris perasaan kaum-kaum tertentu dihina dan setakat ini tiada sebarang tindakan yang diambil.
4. PR-1323-L63610
Dato' Kamarul Baharin bin Abbas [Telok Kemang] minta **MENTERI DALAM NEGERI** menyatakan :-
 - (a) apakah jenis ubat yang digunakan oleh pusat-pusat Agensi Anti Dadah Kebangsaan (AADK) bagi memulihkan pelatih-pelatih; dan
 - (b) setakat mana usaha-usaha Kementerian menggunakan kaedah perubatan alternatif dalam memulihkan para pelatih.

5. PR-1323-L64779
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan langkah-langkah pencegahan yang bakal diambil untuk menangani keadaan inflasi yang ketara dijangka akan melanda negara pada tahun 2015/2016.
6. PR-1323-L64448
Tuan Charles Anthony Santiago [Klang] minta **MENTERI SUMBER MANUSIA** menyatakan pelan tindakan bagi mencegah kemalangan di tempat kerja seperti yang berlaku di tapak pembinaan MRT, yang telah menyebabkan kematian pekerja. Apakah langkah Kementerian untuk mengukuhkan serta menguatkuasakan keselamatan tempat kerja selain meningkatkan kadar denda.
7. PR-1323-L63677
Dato' Abdul Manan bin Ismail [Paya Besar] minta **PERDANA MENTERI** menyatakan cadangan FELDA Wellness Corporation Sdn. Bhd. (FWC) supaya Kerajaan menubuhkan Farmanas Berhad dengan suntikan dana RM1 bilion yang akan berperanan sebagai gerbang pengkomersilan ekonomi global dan perolehan ketiga negara iaitu biodiversiti negara selepas petroleum dan kelapa sawit.
8. PR-1323-L64457
Datuk Mohd Idris bin Jusi [Batu Pahat] minta **MENTERI SUMBER ASLI DAN ALAM SEKITAR** menyatakan sejak bila Pintu Kawalan Air Pasang Surut di Kg. Sg. Bagan Laut telah rosak dan berapa luas tanaman sawit telah musnah serta berapa jumlah kerugian yang telah dialami oleh para pekebun. Berapa jumlah ganti-rugi dan pampasan yang telah diberikan kepada para pekebun kecil yang terlibat.
9. PR-1323-L65263
Dr. Mansor bin Abd Rahman [Sik] minta **MENTERI PENDIDIKAN** menyatakan apakah langkah-langkah Kementerian untuk menanam minat pelajar dalam bidang perniagaan. Sejauh mana sistem pelajaran terkini iaitu KSSR yang menggantikan KBSR dapat membantu menanam minat pelajar dalam bidang tersebut serta apakah rancangan Kementerian untuk meningkatkan kualiti pendidikan di kawasan luar bandar supaya pencapaiannya setanding dengan kawasan bandar.
10. PR-1323-L63535
Dato' Dr. Nik Mazian bin Nik Mohamad [Pasir Puteh] minta **MENTERI KESIHATAN** menyatakan bagaimana serta apakah pendekatan yang diguna oleh Kementerian bagi mengawal pengamal perubatan tradisional dan perubatan alternatif yang kelihatan begitu meluas pengamalannya dalam masyarakat di Malaysia. Apakah usaha Kerajaan untuk membendung penipuan dalam kaedah pengubatan ini.

11. PR-1323-L63825
Tuan Haji Ahmad Nazlan bin Idris [Jerantut] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan berapakah jumlah perbelanjaan yang telah dibelanjakan sehingga kini oleh Kementerian dalam program mengawal kenaikan harga barang serta masih ada lagi program-program yang belum dijalankan, dan jika ada mengapa ia belum dilaksanakan.
12. PR-1323-L64033
Tuan Zairil Khir Johari [Bukit Bendera] minta **MENTERI SUMBER ASLI DAN ALAM SEKITAR** menyatakan jumlah peruntukan yang diberi kepada Zoo Negara setiap tahun sejak tahun 2004, serta perincian peruntukan tersebut.
13. PR-1323-L63518
Tuan Haji Mohd Fasih bin Haji Mohd Fakeh [Sabak Bernam] minta **MENTERI DALAM NEGERI** menyatakan sejauh manakah kegiatan militan dan pengganas dari dalam dan luar negara menjadi ancaman kepada keselamatan dan keamanan negara masa kini dan apakah langkah tegas yang diambil bagi membendung kegiatan militan ini dan seterusnya memastikan keselamatan dan keamanan negara terus terjamin.
14. PR-1323-L64316
Puan Teresa Kok Suh Sim [Seputeh] minta **MENTERI KEWANGAN** menyatakan jumlah kos yang terlibat untuk menjalankan pengutipan GST di seluruh negara dan juga GST yang dijangka akan dikutip oleh Kerajaan pada tahun pelaksanaan pertama. Apakah yang akan dilakukan oleh Kerajaan terhadap syarikat yang tidak mengutip GST, khususnya syarikat kecil.
15. PR-1323-L63714
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan mengapa Petronas Dagangan sebagai syarikat milik Petronas yang ulung dan wibawa dan tersenarai di bawah kaunter 'blue chip' mengalami kejatuhan harga saham yang melebar dan ketara di Bursa Saham Kuala Lumpur berbanding dengan kaunter-kaunter lain di sektor ini. Apakah faktor-faktor utama kejatuhan ini.
16. PR-1323-L64878
Tuan Mohd Rafizi bin Ramli [Pandan] minta **MENTERI KEWANGAN** menyatakan apakah kriteria yang digunakan untuk melantik Bridge Partners Hong Kong menguruskan dana USD\$2.3 bilion milik 1MDB dan bayaran tahunan yang dibayar kepada firma itu.

17. PR-1323-L63291
Dato' Seri Ong Ka Chuan [Tanjong Malim] minta **MENTERI KEWANGAN** menyatakan apakah langkah yang berkesan yang telah diambil oleh Kerajaan untuk mengawal-selia institusi-institusi kewangan di negara ini terhadap ancaman siber supaya sistem kewangan dalam negara ini selamat dan terjamin.
18. PR-1323-L64737
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan sama ada kajian terhadap keperluan kepelbagaian pendidikan bagi kanak-kanak Kelainan Upaya telah dijalankan dan apakah rancangan kementerian bagi menangani keperluan kanak-kanak kelainan upaya selain pekak, bisu dan buta.
19. PR-1323-L65113
Datuk Haji Shabudin bin Yahaya [Tasek Gelugor] minta **MENTERI DALAM NEGERI** menyatakan :-
- (a) langkah-langkah yang dilaksanakan oleh Kerajaan bagi menghalang rakyat Malaysia daripada terlibat dalam aktiviti keganasan, ekstremis dan ala ketenteraan di negara luar seperti Syria, Selatan Thailand dan Filipina; dan
 - (b) berapa ramai rakyat Malaysia yang dikenal pasti terlibat dalam kegiatan pengganas di luar negara dan apakah punca penglibatan mereka.
20. PR-1323-L63773
Raja Dato' Kamarul Bahrin Shah [Kuala Terengganu] minta **MENTERI PERTANIAN DAN INDUSTRI ASAS TANI** menyatakan apakah langkah-langkah di ambil bagi mengawal pergerakan nelayan warga-warga asing yang menggunakan kemudahan pelabuhan Chendering di Kuala Terengganu supaya aktiviti-aktiviti mereka tidak menimbulkan masalah kepada orang ramai dan rakyat tempatan Malaysia.
21. PR-1323-L63348
Datuk Wee Jeck Seng [Tanjong Piai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kementerian sedar bahawa ramai penyewa di PPR telah meninggal dunia namun kediaman tersebut masih dihuni oleh waris dan apakah tindakan Kementerian untuk menyelesaikan isu ini.
22. PR-1323-L63789
Dato' Takiyuddin bin Hassan [Kota Bharu] minta **PERDANA MENTERI** menyatakan apakah kriteria pengesahan dan kenaikan pangkat seseorang Pesuruhjaya Kehakiman dan Hakim di Malaysia.

23. PR-1323-L64637
Puan Hajah Normala binti Abdul Samad [Pasir Gudang] minta **MENTERI PENDIDIKAN** menyatakan punca berlakunya kebocoran maklumat soalan peperiksaan Ujian Penilaian Sekolah Rendah (UPSR) dan langkah yang diambil oleh Kementerian untuk menetapkan prosedur keselamatan maklumat agar perkara sebegini tidak lagi berlaku pada masa akan datang.
24. PR-1323-L63689
Dato' Mansor bin Othman [Nibong Tebal] minta **MENTERI KEWANGAN** menyatakan sama ada Kementerian bersedia untuk campur tangan bagi tangani kemelut pemecatan kakitangan Syarikat Kereta api Tanah Melayu KTMB yang terlibat dalam piket membantah pengurusan tertinggi KTMB baru-baru ini demi menjaga kepentingan pekerja dan syarikat KTMB.
25. PR-1323-L63357
Datuk Johari bin Abdul Ghani [Titiwangsa] minta **MENTERI KEWANGAN** menyatakan :-
- (a) sejauh mana penerimaan kakitangan MAS terutamanya pihak Kesatuan Pekerja MAS berhubung Pelan Penstrukturan semula MAS yang melibatkan pengurangan tenaga kerja sedia ada iaitu dari 20,000 kepada 14,000; dan
 - (b) berapakah jumlah pampasan yang akan dibayar kepada 6,000 kakitangan MAS yang akan diberhentikan.
26. PR-1323-L63655
Dato' Kamarudin bin Jaffar [Tumpat] minta **MENTERI PERTAHANAN** menyatakan adakah Kementerian telah memikirkan baik buruk dari segi keselamatan negara apabila membuat keputusan untuk menjual tapak-tapak Pengkalan Tentera Darat dan Udara kepada swasta.
27. PR-1323-L65133
Dato' Ahmad Fauzi bin Zahari [Setiawangsa] minta **MENTERI BELIA DAN SUKAN** menyatakan perancangan jangka panjang Kementerian ke atas sukan berstatus antarabangsa yang memakan kos belanja yang amat besar seperti Le Tour de Langkawi, Monsun Cup, dan Perlumbaan F1. Adakah pulangan daripada aktiviti-aktiviti sukan ini setimpal dengan modal yang telah dikeluarkan dan bagaimana ia membantu negara mendapatkan semula pulangan modal.
28. PR-1323-L64566
Tuan Nga Kor Ming [Taiping] minta **MENTERI KERJA RAYA** menyatakan secara terperinci jumlah pampasan yang dibayar oleh Kerajaan kepada syarikat-syarikat konsesi lebuhraya secara satu per satu mengikut nama syarikat dalam tempoh 2008 hingga 2014.

29. PR-1323-L64551
Tuan Nogeh anak Gumbek [Mas Gading] minta **MENTERI PELANCONGAN DAN KEBUDAYAAN** menyatakan kesan peningkatan kes pembunuhan dan penculikan pelancong asing di dalam negara terhadap jumlah pelancong yang berkunjung sempena dengan Tahun Melawat Malaysia 2014.
30. PR-1323-L65194
Tuan Mohamed Hanipa bin Maidin [Sepang] minta **MENTERI PENDIDIKAN** menyatakan :-
- (a) secara terperinci apakah prosedur dan/atau garis panduan yang ditetapkan dalam penyediaan dan penjagaan soalan-soalan kertas UPSR sama ada sebelum dan selepas penyediaan soalan-soalan tersebut; dan
 - (b) berapakah kos keseluruhan secara terperinci yang ditanggung oleh Kementerian akibat kebocoran kertas-kertas Sains dan Bahasa Inggeris UPSR tersebut.
31. PR-1323-L63395
Tuan Wong Tien Fatt @ Wong Nyuk Foh [Sandakan] minta **PERDANA MENTERI** menyatakan apakah rancangan Kerajaan untuk menguruskan Pendatang Tanpa Izin di Sabah. Adakah mereka akan disimpan di pusat dan tempat yang tertentu, supaya aktiviti-aktiviti mereka dapat dikawal dan dipantau.
32. PR-1323-L64679
Tuan Wan Hasan bin Mohd Ramli [Dungun] minta **PERDANA MENTERI** menyatakan adakah program perkabungan negara dan bertafakur pada 22 Ogos 2014 bertepatan dengan fatwa majlis fatwa kebangsaan.
33. PR-1323-L63904
Tuan Hee Loy Sian [Petaling Jaya Selatan] minta **MENTERI KEWANGAN** menyatakan rancangan pelan penstrukturan semula Sistem Penerbangan Malaysia (MAS) melalui Khazanah Nasional Berhad dan pampasan yang dibayar kepada kira-kira 6000 kakitangan MAS yang diberhentikan.
34. PR-1323-L64400
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan :-
- (a) adakah pihak kementerian akan 'renegotiate employment contract' dengan 'top executives' MAS ; dan
 - (b) adakah pihak Kementerian melalui MAS akan "renegotiate contract catering" dengan syarikat yang berkenaan.

35. PR-1323-L64141
Datuk Koh Nai Kwong [Alor Gajah] minta **PERDANA MENTERI** menyatakan status inisiatif Suruhanjaya Pencegahan Rasuah Malaysia dalam menempatkan pegawai integriti di setiap kementerian bagi memastikan perancangan program dan projek Kerajaan mematuhi panduan pencegahan rasuah negara.
36. PR-1323-L65338
Tan Sri Datuk Seri Panglima Annuar bin Musa [Ketereh] minta **MENTERI BELIA DAN SUKAN** menyatakan strategi dan pelan pemulihan yang dirangka oleh Kementerian bagi memperbaiki prestasi atlet yang bakal mewakili negara dalam kejuaraan antarabangsa agar imej sukan Malaysia mampu bersinar semula.
37. PR-1323-L64002
Tuan Jeff Ooi Chuan Aun [Jelutong] minta **MENTERI KEWANGAN** menyatakan tentang status kesiapsagaan pihak awam dan pihak swasta bagi pelaksanaan Cukai Barangan dan Perkhidmatan (GST) mulai 1 April 2015.
38. PR-1323-L64700
Tuan Chua Tian Chang @ Tian Chua [Batu] minta **MENTERI PERDAGANGAN ANTARABANGSA DAN INDUSTRI** menyatakan mengapa pengecualian cukai untuk kereta hibrid yang dipasang di luar Malaysia(CBU) telah diberhentikan. Apakah rancangan dan tindakan kementerian untuk membawa masuk lebih ramai pembuat kereta hibrid ke Malaysia yang akan menyediakan alternatif lebih murah bagi rakyat Malaysia membeli kereta hibrid mesra bumi.
39. PR-1323-L64469
Tuan Ng Wei Aik [Tanjong] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan tindakan-tindakan yang telah diambil terhadap skim cepat kaya yang dipelopori oleh Zhang Jian yang mengisytiharkan dirinya sebagai Bakal Orang Terkaya di Dunia. Bagaimana Zhang Jian dapat masuk keluar negara kita tanpa dikesan serta ditangkap oleh pihak-pihak berkuasa yang berkaitan.
40. PR-1323-L64512
Tuan Gooi Hsiao-Leung [Alor Setar] minta **MENTERI DALAM NEGERI** menyatakan mengapa Abu Bakar Jayari, Zainuddin Mislani dan Kassim Ibrahim yang ditahan pada 22.7.2014 kerana terlibat dalam aktiviti-aktiviti pemisahan Sabah dari Malaysia, telah dikeluarkan dengan perintah tahanan pada 9 September 2014 di bawah Seksyen 19A daripada Akta Pencegahan Jenayah untuk pemulihan.

41. PR-1323-L63391
Datuk Aaron Ago anak Dagang [Kanowit] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sama ada Kerajaan sedar bahawa beberapa jenis subsidi yang diperuntukkan kepada rakyat di luar bandar tidak sampai ke sasarannya, terutamanya subsidi pengangkutan di bawah program pelarasan harga barang keperluan untuk kawasan pedalaman di Sabah dan Sarawak. Apakah tindakan Kerajaan dalam hal ini.
42. PR-1323-L63746
Dato' Fauzi bin Abdul Rahman [Indera Mahkota] minta **PERDANA MENTERI** menyatakan apakah Kerajaan bersedia meminda perlembagaan dan undang-undang berkaitan bagi memastikan keberkesanan memerangi gejala rasuah. Usaha Kerajaan dengan penubuhan beberapa "*entity*" bagi memastikan agar "*corruption - a matter of the past*" adalah disambut baik. Namun, garis nipis antara '*legally right but morally wrong*' dan beberapa kelemahan lain menghalang SPRM berfungsi sebagai badan yang lebih berkesan.
43. PR-1323-L65349
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI KERJA RAYA** menyatakan :-
- (a) kedudukan terkini perancangan pelebaran jalan utama dari Muadzam - Keratong - Bahau dan Jalan Segamat - Gambang - Kuantan; dan
 - (b) statistik kemalangan bagi 5 tahun (2008-2013) untuk menguatkan hujah pelaksanaannya dengan kadar segera.
44. PR-1323-L64342
Dato' Sri Azalina binti Dato' Othman Said [Pengerang] minta **MENTERI SUMBER MANUSIA** menyatakan adakah Kementerian akan mewujudkan program pembangunan modal insan khususnya untuk generasi muda di Parlimen Pengerang dengan memberi latihan-latihan khas untuk menangani limpahan projek mega RAPID dan juga Pembangunan Pelancongan Desaru yang memerlukan tenaga kerja tempatan yang banyak.
45. PR-1323-L63646
Ir. Shaharuddin bin Ismail [Kangar] minta **MENTERI TENAGA, TEKNOLOGI HIJAU DAN AIR** menyatakan langkah bagi mengatasi krisis tenaga yang dijangka melanda negara jika rizab tenaga di loji tenaga semakin menyusut dan sekali gus mengganggu operasi industri pembuatan dan perkhidmatan.

46. PR-1323-L64262
Tuan William Leong Jee Keen [Selayang] minta **MENTERI PENDIDIKAN** menyatakan :-
- (a) peranan Majlis Penarafan Standard dan Kualiti Bahasa Inggeris dalam mempertingkatkan tahap pembelajaran dan pengajaran Bahasa Inggeris di sekolah-sekolah dalam negara; dan
 - (b) inisiatif yang diambil bagi memperkukuhkan penguasaan Bahasa Inggeris dalam kalangan pelajar mahupun guru dan pengajar.
47. PR-1323-L63365
Datuk Joseph Salang anak Gandum [Julau] minta **MENTERI KEWANGAN** menyatakan adakah Kerajaan bersedia menghapuskan sistem pembidaan tertutup terhadap mana-mana projek di bawah "Design & Build" seperti jalan, jambatan dan lain-lain.
48. PR-1323-L64674
Tuan Mohamed Azmin bin Ali [Gombak] minta **MENTERI KEWANGAN** menyatakan apakah mekanisme Kumpulan Wang Simpanan Pekerja (KWSP) untuk memastikan jumlah pendapatan pelaburan terus kekal sementara berdepan kadar inflasi dijangka terus meningkat hingga 2015.
49. PR-1323-L63997
Datuk Zahidi bin Zainul Abidin [Padang Besar] minta **MENTERI KESIHATAN** menyatakan langkah-langkah yang sedang dilaksanakan dalam memantau kemasukan makanan 'Genetically Modified Food' (GMF) dalam pelbagai bentuk ke Malaysia supaya tidak menjejaskan kesihatan pengguna serta tidak mengandungi bahan-bahan yang tidak halal.
50. PR-1323-L63586
Dr. Noor Azmi bin Ghazali [Bagan Serai] minta **MENTERI KESIHATAN** menyatakan apakah perkembangan terkini mengenai penyelidikan dan usaha untuk mencipta vaksin denggi di Malaysia yang kita ketahui mengalami peningkatan kes demam denggi dan kematian yang sangat membimbangkan sejak awal tahun ini.
51. PR-1323-L65050
Tuan Sim Chee Keong [Bukit Mertajam] minta **PERDANA MENTERI** menyatakan statistik dari 2009-2013 pecahan kelapa sawit oleh FELDA dan FELCRA yang 1) dijual terus kepada kilang pemprosesan minyak sawit mentah dan 2) yang dijual melalui orang tengah/dealer (pusat pengutipan kelapa sawit), dalam peratus dan dalam nilai ringgit.

52. PR-1323-L64920
Dato' Seri Tiong King Sing [Bintulu] minta **MENTERI KESIHATAN** menyatakan :-
- (a) adakah pihak Kementerian mempunyai rancangan untuk menjalankan pemeriksaan terhadap kilang pengusaha minyak masak tempatan memandangkan isu minyak kitar semula diguna untuk memproses minyak masak semakin hangat di luar negara; dan
 - (b) apakah langkah-langkah Kementerian dalam memastikan jaminan kualiti keselamatan minyak masak di pasaran.
53. PR-1323-L65097
Puan Mas Ermieyati binti Samsudin [Masjid Tanah] minta **MENTERI DALAM NEGERI** menyatakan adakah Kementerian masih menggunakan "Offline Interpol Data System" yang lama serta bilakah Kementerian akan menaik taraf sistem tersebut kepada pangkalan data "Interpols Stolen & Lost Travel Documents (STLD)" bagi tujuan meningkatkan kawalan keselamatan penerbangan di Malaysia.
54. PR-1323-L64185
Tuan Oscar Ling Chai Yew [Sibü] minta **MENTERI KERJA RAYA** menyatakan jumlah peruntukan untuk Pan Borneo Trunk Road Sarawak bagi tahun 2015. Senaraikan jenis projek yang akan dilancarkan.

ATURAN URUSAN MESYUARAT DAN USUL-USUL

1. (D.R.15 /2014) **Rang Undang-undang Perbekalan 2015 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(29 Oktober, 2014)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (29 Oktober, 2014)

2. (D.R 19/2014) Rang Undang-undang Kewangan (No.2) 2014 **Bacaan Kali Yang Kedua**
[Menteri Kewangan]
3. (D.R 10/2014) Rang Undang-undang Penjara (Pindaan) (No.2) 2014 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014)**
[Menteri Dalam Negeri]
4. (D.R 11/2014) Rang Undang-undang Kewangan (Pindaan) 2014 Tatacara **Bacaan Kali Yang Kedua**
[Menteri Kewangan]

5. (D.R 13/2014) Rang Undang-undang Kumpulan Wang Amanah Negara (Pindaan) 2014 “

[Menteri Kewangan]

6. (D.R 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]

7. (D.R 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]

8. (D.R 16/2014) Rang Undang-undang Suruhanjaya Syarikat Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]

9. (D.R 17/2014) Rang Undang-undang Pendaftaran Perniagaan (Pindaan) 2014 “

[Menteri Perdagangan Dalam Negeri, Koperasi dan Kepenggunaan]

10. (D.R 18/2014) Rang Undang-undang Perkongsian Liabiliti Terhad (Pindaan) 2014 “

[Menteri Perdagangan Dalam Negeri, Koperasi dan Kepenggunaan]

11. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah".

Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan. Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]